



**Abbey Grange Inn, Llandysilio-yn-lâl**  
Llangollen, Sir Ddinbych, LL20 8DD

**ASTUDIAETH ACHOS**

*Medi 2012*

Mae tafarn yr Abbey Grange wedi bod yn nwylo teulu Stephen Evans ers deugain mlynedd. Mae'r dafarn yn sefyll ger yr enwog Bwlch yr Oernant yn Sir Ddinbych yng ngogledd-ddwyrain Cymru. Gerllaw mae Abaty Glyn y Groes sy'n dyddio'n ôl i'r drydedd ganrif ar ddeg, a nifer o feysydd carafanau hefyd.

Er mai pentref bychan o ryw ugain tŷ yw Llandysilio-yn-lâl mae'r Abbey Grange nid yn unig yn gwasanaethu'r cwsmeriaid lleol, ond y bobl sy'n pasio a'r ymwelwyr sy'n dod am wyliau.

Mae Stephen a'i wraig Llinos yn hen lawiau ar arallgyfeirio. Mae ganddyn nhw naw ystafell wely i westeion yn y dafarn yn ogystal â bragdy bychan. Fodd bynnag, roedd un peth yn brin iawn yn yr ardal – rhywbeth i ddi-ddori plant.

Oherwydd bod Llandysilio -yn -lâl yn bentref mor anghysbell, prin yw'r cyfleusterau i blant sy'n ymweld â'r ardal gyda'u rhieni. Ond, gyda chymorth sefydliadau megis Y Dafarn yw'r Galon a Chadwyn Clwyd, yn ogystal â chefnogaeth ariannol prosiect Cydweithredu y Cynulliad Cenedlaethol, ymgeisiodd Stephen am grant er mwyn adeiladu man chwarae cymunedol arbennig yn ardd enfawr y dafarn.

Mae'r man chwarae newydd wedi ei hadeiladu ar ffurf cwrs antur ac yn cydymffurfio â'r gofynion diogelwch diweddaraf. Heb os, mae'n cynnig profiad dymunol iawn a llond gwlad o hwyl i blant o bob oed.

Mae croeso i unrhyw un ddefnyddio'r man chwarae cymunedol. Yn wir, bu cryn ddefnydd ohono eisoes dros yr haf. Gall Stephen a Llinos gysgu'n dawel o wybod fod y buddsoddiad helaeth wnaethon nhw yn rhoi cyfle i blant chwarae'n ddiogel.

Cost y cynllun £12,500.00; Grant £7,500.00.

**Tafarnwyr / Perchnogion** Stephen a Llinos Evans

**Rhif ffôn** 01978 860753

**Gwefan** <http://www.abbey-grange-hotel.co.uk/>

